

ՀԱՂՈՐԴՈՒՄՆԵՐ

Ս. Շլեպյան

«ՎԵՐԲ ՀԱՅԱՍՏԱՆԻ» ՎԵՊԻ ՇԵՏ ԿԱՊՎԱԾ ՄԻ ՃՇՏՈՒՄ

Խաչատուր Աբովյանը «Վերբ Հայաստանի» վեպում, նկարագրելով պարսիկների դեմ մղված կռիվները, ջերմ տողեր է գրել Շուշա վերցի Սոսի մասին, որը խոշոր սխրագործություններ է կատարել այդ մարտերում. Աբովյանը գրում է.

«Այս ում մտքից կերթա էն հսկա կերպարանքը, էն գեղեցիկ պատկերը, էն անոշ լեզուն ու անօրինակ ուղիղությունն ու սիրտը, որ Շուշա վերցի Սոսի Աղեն ու Մելիքի Օհանջանն ունէին: Հրեղեն վիշապի պես ընկել էին Քաջվեթու ու Բոլնիսի սարերը, որ թշնամու առաջը կտրեն, տեղ չտան, ու ինչ ժամանակ խարարը նրանց է հասնում, թե նեմեցի կոլոնիէն տվին, քառասուն կտրիչ տղերք քամակին, իրանց Մովրոֆն էլ մեջընեւրումը՝ էն վախտն են վրա հասնում, որ քյուրդ Օքյուզ աղեն վաղուց կոլոնիեն քանդել ու երեք հազար մարդով էսրների կեսը կոտորել, կեսը առաջն արել՝ տանում ա: Արինն աչքներն առած ընկնում են էս մեկ բուռը դորքը՝ էն անթիվ բազմությունի եղեկցը. քյուրդ ու Ղարափափախ՝ էսըրները տալիս են մեկ քանի մարդի ձեռք ու իրանք էդ դառնում: Էս միջոցումը Մովրոֆը հայի ղոնշունն առնում, փախչում է, որ իր գլուխը պըրծացնի, միմիայն քաջն Սոսի մեկ քարի տակի իր կտրիչ ընկեր Մելիք Օհանջանի հետ՝ դայիմանում ու մեկը մեկին ձեն են տալիս. «Նամարդությունն ու թուլությունը տղամարդի համար ամոթ ա. քաջությամը մեռնինք, որ մեր որդիքն էլ իմանան, թէ մենք էլ ենք սիրտ ունեցել ու մեր երկրի թասիրը քաջել, մեր աշխարհի սիրով մեռել: Էս մուռտառ արինն էլ ինչի ա պետք, որ էսպես օրը չենք թափիլ: Չորումը մեռնիլը տղամարդություն է: Ծանաչ թուրքեր ձեն են տալիս. «Սոսի աղա՝ քո աղ ու հացը շատ ենք կերել, մեր աչքը կրոնի, թէ քեզ վրա թուր բարձրացնենք: Մենք քեզ կտանենք, սաղ սալամաթ ճամփու կքցենք. մի անիր, գլուխդ մահու մի տար, քեզ ենք ափսոս գալիս արի, քեզ խնայիր»: Բայց հսկայն Սոսի՝ կասկած ունելով, թէ իրանց կրոնեն, Լսիր կանեն, նրանց խոսքին չի նայում, ու առաջի թվանքը որ չի քցում, Օքյուզ աղի տղեն ա սֆթա ձիու շինքոֆի ընկնում: Կատաղած հարամին ընչանք վրա կհասներ, մեկ տասը հինգ մարդ էլ սպանում են էս կտրիչ հսկայքը ու թուրները հանած՝ երբ բարուկները հատնում ա, ընկնում են գազանների մեջը առյուծի պես: Ընչանք իրանց հոգին կտային, մեկ տասը հոգի էլ թրի են մատաղ անում, ու իրանք Աստծուն մատաղ ըլում:

Հանգիստ ձեր սուրբ ոսկերացը՝ ով քաջ նահատակ: Ձեր ջիւան ջանի տրյունն ա, որ էսպես սիրտս կրակում ա: Ինչ հայ ձեր անունը լսի ու ձեր լիա գերեզմանին ողորմի չասի, ձեր հիշատակը իր սրտումը չգրի: Մի

իմանաք, թէ ձեր ազիւ արինը նհաղ տեղը թափվեցաւ, Էդպէս պատուական արինն էր, որ Աստծո սիրտը գուժ գցեց, մեր աշխարհըն ազատեց ու էս օր էլ՝ էն ձեր նահատակութեան քարի տակիցը ձեն ա տալիս. «Հայք մեզ պէս մեռել, որ անուն ճարեք»:

Ուշագրավ է, որ այս հերոսամարտի և հերոսների մասին Շուլավեր գյուղում (այժմ Շահումյան), մինչև այժմ էլ պահպանվել է բանավոր մի պատմություն, որը գիտեն գյուղի հասակավորները, որոնք էլ իրենց հերթին լսել են իրենց ավագներից: Այդ պատմությունը հիմնականում համընկնում է Արուսյանի նկարագրութեանը, որոշ տարբերություններով:

Ո՞վ է Սոսի աղեն. պատմական անձնավորություն է, թե վիպային մի հերոս, այս հարցին մինչև այսօր սպառիչ պատասխան չի տրվել, Սոսի աղայի վերաբերյալ գրավոր տեղեկություններ չլինելու պատճառով, չնայած հնարավոր էր ենթադրել, որ ինչպէս Արուսյանի հերոսներից մի քանիսը, նա էլ եղել է պատմական անձնավորություն:

Այս տարի Շուլավերի հին գերեզմանատնում կատարելով պրպտումներ, մեզ հաջողվեց գտնել Դալանթարյանների տոհմի գերեզմանները, այդ թվում՝ Սոսի աղի ու նրա հոր՝ Իսաուի գերեզմանը: Սոսի աղի շիրիմն ունի ընդարձակ արձանագրություն: Թե՛ շիրմաքարը և թե՛ արձանագրությունը պահպանված են անփնաս և այդ ըստ երևույթին այն պատճառով, որ, ինչպէս պատմում են շուլավերցիները և ինչպէս վկայում է շրջապատի ուսումնասիրությունը, ավելի քան մեկ դար այդ շիրմը ծառայել է որպէս ուխտատեղի ու արժանացել բնակչության հատուկ ուշադրութեանն ու խնամքին:

Սոսի Աղի գերեզմանաքարն ունի 168 սանտիմետր երկարություն, 30,5 սանտիմետր լայնություն և 68,5 սանտիմետր բարձրություն: Գերեզմանաքարն ունի պատվանդան, որի բարձրությունը 19 սանտիմետր է, երկարությունը 178 սանտիմետր է: Պատվանդանի լայնությունը արևմուտյան կողմում 60 սանտիմետր է, իսկ արևելյան կողմում 50 սանտիմետր: Արձանագրությունը, որ գրված է ընդամենը երեք տողի վրա, տապանաքարի լայնությամբ, բոլորագիր է և հետևյալն է.


«Այս է տապան Սոսի աղին, որ է որդի Իսաուին Դալանթարեանց, սրբով նահատակեցաւ ի պատերազմի Հասան խանին և վրոյսեցաւ տունս վերին, ամի 1826»:

Ինչպէս տեսնում ենք, այս արձանագրությունն ամբողջովին համապատասխանում է Ս. Արուսյանի նկարագրութեանը և դա միանգամայն հասկանալի է:

Ամենայն հավանականությամբ Սաչատուր Արուսյանը Սոսի աղի սրբաբարձրությունների հետ կատարված գեպքերը լսել և ուսումնասիրել է տեղում՝ Շուլավերում:

Եւթ՝ Արուսյանը եղել է Շուլավերում: Հայտնի է, որ Արուսյանի ժամանակաշրջանում Թիֆլիս—Երևան ճանապարհը անցնում էր հետևյալ վայրերով՝ Շուլավեր—Ջալալօղլի—Իզովդալ, այնտեղից Խրդ Դարաքիլիսա, այժմյան Սպիտակ, Ալագյաղ, Ապարան ու Աշտարակ և ապա Երևան: Սաչատուր Արուսյանը մի քանի անգամ պետք է անցած լիներ այդ ճանապարհով: Սոսիին անգամ նա էջմիածնից Թիֆլիս է մեկնում 1819—1820 թթ.: Թիֆլիսից Երևան է վերադառնում 1826 թվականին՝ պատերազմը սկսվելուց հետո: Այնուհետև նա 1830 թվականին նույն ճանապարհով մեկնում

է Դորպատ, իսկ 1843 թվականին Թիֆլիսից մեկնում է Էջմիածին: Կասկածից վեր է, որ այս ճանապարհորդութիւններից մեկի ընթացքում նա Շուշա վերում կանգ է առել և տեղում ուսումնասիրել պատմական վերահիշյալ փաստը, իր ամբողջ մանրամասնութեամբ, գուցէ և անձամբ տեսել



Սոսի աղի գերեզմանը Շուշա վերում

է այն գերեզմանաքարը, որ հասել է մինչև մեր օրերը և հանգիստանում է միակ դրավոր պատմական հիշատակարանը՝ Սոսի աղի անձնավորութեան մոտին:

Շուշա վերի նույն հին գերեզմանատանը մեզ հաջողվեց գտնել նաև Վերք Հայաստանի» վեպում հիշատակված Մելիք Օհանջանեանց տոհմի գերեզմանները, թեև անմիջապես Մելիք Օհանջանի գերեզմանը չկարողացանք գտնել: